



UNIVERSITÄTS-
BIBLIOTHEK
PADERBORN

Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Rustici Diuionensis mirè anxij de diebus decem sublatis Kale[n]dario
renouato.

[urn:nbn:de:hbz:466:1-70444](https://nbn-resolving.org/urn:nbn:de:hbz:466:1-70444)

Orta diei luce Decretorij.

Dent superi, vt errem: fac Puella vt mentiar.

*Rustici Diuionenses mirè anxij de diebus
decem sublatis Kalendario renouato.*

Ex libro P. Richeomi de Miraculis.

S C A Z O N.

S Vbclaudicante tibiâ redi Scazon,
S Intercalare carmen esto cognato.
Claustra renouati (quod vocant) Calendarij
Referarat ingens Vrbis Orbis Antistes
Gregorius; anni vix iere triceni.
Quot fellis vtres, quanta plaustra dirarum
Vomuere semper streperus Hæresum vulgus?
Quot Hunniique, Grunniique Burdones
Scenis pudendis, & tragædiis diris,
In illa Papæ placita (Lector oblongo
Ignosce verbo) paratragædiauerunt?
Sed facio missas grunniæntium voces,
Inconditosque barrientium motus:
Mea hæc Hilaria concoloribus gaudent,
Rident amœnis, tristibus reluctantur.
Quod ergo sit salubre, Diuionæas
Meridiatum in vineas cant læta,
Ibi que rusticentur inter arbusta, &
Vindemitorum varia Posteris narrent
Interrogata post Diploma vulgatum:
Immane quantum perditæ dies deni

D 4

Bella

Bella cerebella rusticana commorint!

Tres vinitores, capita profus Augustæ,
Et ter profundi (si diis placet) scensus,
Dum manè cepis allioque ientatur,
Breuem dederunt eclogam, ingenî testem,
Testem alliatæ mentis & saporatæ,
Patienter audi Lector, & tene risum.

I. *Vindemiator.*

Mira, ô Sodales, & mihi & meis visa est
Fuga hæc dierum, noctiumque furtiua,
Ut præ stupore, præ labore scrutandi,
Mihî meisque, non meisque, turmatim
Ierint anhelos stiriæ graues naso.

II.

At mihi periodos temporum volutanti,
Vi curiosæ indaginis laboranti,
Maduit galerus summus, imus, extremus
Sudore tanto, nec minore quàm vitrei
Fornace stillatoriâ madent gutti.

III.

Ego computista ruris optimus nostri,
Digitis epactas soleo, more nostrate,
Cursu retrogrado, antegradoque censere,
Nunc miseræ epactæ in alia vincla compactæ,
Mihî indicetque pollicesque perturbant.

I.

Non capio, capiant qui volent. Enimverò
Tot iam diebus fraudulenter elapsis,
Quid interim facere siderum vulgus,
Cynthi nepotes, atque Cynthiæ neptes?

II.

Quid Luna, num cucurrit impetu tanto,

Denos

Denos vt vno salierit dies salru,
Papâ volente, vimque subministrante?

III.

Phœbifne plures Perficas Parazangas
Aut Itala stadia id temporis pererrant,
Papâ iubente, limitesque signante?

I.

Festa, esto, liceat promouere per saltum;
Potuitne iure, & conscientiâ tutâ
Lacerare, deartuare Pontifex mensē?

II.

Quid commeruerat hic December, vt ventrem
Totosque lumbos fractus iuerit pectus?
Cur non Aprilem promptius dearmarunt?

III.

Tum decuit hosce exemptiles dies factos,
Cum pisculentè victitamus & parcè;
Iactura nobis nam fuisset hæc lucro.

I.

Sed, nox diei præiit, an dies nocti?
An ambo pariter id viæ subiungere?

II.

Et quando tandem transfugæ dies facti?
In conticinio vel crepusculo noctis?
An in diei sincipite, vel in talo?

III.

Cur hieme captum id consili, soporata
Cum syrma longiusculum trahunt noctes?
An vt silentiore vaderent passu?
Néve fugientes, harpagone detentæ,
Harere forsân vsquam iuberentur?

D 5

I. De-

I.

Decemne solidas atque perpetes noctes,
Luceſque totidem abſtemij, cibi exortes,
Et adipe, gliris more, viximus noſtro?

II.

Sed more gliris, & ſimillimus letho,
Adeò ſepultas corneus ſopor mentes
Infedit adeò, vt liquidiuſculi venti
Nec murmur illum lene ſenſerint aures?

III.

Quoties ſtupendi tranſitus ſubit mentem,
Vertigo toties hanc rapit per abrupta.

I.

Mihi falce nuper crura (dum puto vitem,
Et puto dierum vulnus amputatorum)
Abſorptus, atque mente raptus, abſcidi.

II.

Satius ſodales tutiuſque ſit nobis
Silere, ne putando diſputandoque
Et computando de diebus expunctis,
Nobis cerèbrum fortè fiat expunctum.

Hæc vinitores pampinarij digna
Dedere cedro, digna poſteris annis
Rogata. Lector parce ruſticanorum
Huic delicato caudici cerebrorum:
Tam bardus eſſes, tamque iuncea mentis
Bœotus eſſes, ſi volentibus diuis,
Bœota mater te dediffet in lucem.